



Ukuhlomisa izingane zethu
ngelikusasa

SS 2

Isihloko sesifundo: Ukuzalwa kukaJesu Kristu

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Ukuzalwa kukaJesu Kristu**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofa kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le-SS 2. 2.4: Uyacelwa uthinte uThisha wakho we-SS 2 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se-**SS 2** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	Ukuzalwa kukaJesu Kristu
Umbhalo weBhayibheli	NgokukaLuka 2: 1-7 naNgokukaMathewu 1: 18-25
Inhloso yesifundo	Izingane zifunda ukuthi uJesu wazalwa emhlabeni nokuthi uyiNdodana kaNkulunkulu.

Isifundo esifingqiwe:

- UMariya noJosefa babethembisene umshado, kodwa ngaphambi kokuba bashade uMariya wathola ukuthi wayezoba nengane ekhuleliswe ngoMoya oNgcwele.
- Lapho, uJosefa ethola ukuthi uMariya wayezoba nengane, wahlela ukusingqamula isithembiso ngasese ngoba wayengafuni ukuhlazisa uMariya obala.
- Ingelosi yabonakala kuye ephusheni yathi: “Josefa, ungesabi ukuthatha uMariya aye ekhaya abe ngumkakho, ngoba ingane yakhe ivela kuMoya oNgcwele. Uzobeletha indodana, uyiqambe igama lokuthi uJesu ngoba nguYe ozosindisa abantu baKhe ezonweni zabo.”
- Lapho uJosefa evuka, washada noMariya njengoba ingelosi yayimtshelile.
- Ngaleso sikhathi, uMbusi waseRoma, u-Awugustu, wayala ukuba kubalwe wonke umuntu eMbusweni waseRoma.
- U-Israyeli wayeyingxenywe yoMbuso waseRoma, ngakho-ke wonke umuntu wayalelwa ukuba aye edolobheni lakubo ayobhalisela khona.
- KuMariya noJosefa, lokhu kwakusho uhambo olude olukhathazayo ukusuka eNazaretha ukuya edolobheni laseBhetlehem njengoba bobabili babeyinzalo yeNkosi uDavide.
- Ingane kaMariya yayizobelethwa kungekudala.
- Lapho befika eBhetlehem, idolobha laligcwele, njengoba abantu abaningi babeze ukuzobhalisela ukubalwa.
- UMariya noJosefa bafuna indlu yokulala izihambi (ihhotela) abazochitha kuyo ubusuku bonke, kodwa kwakungekho amakamelo, ngakho bachitha ubusuku endaweni yokukhosela izilwane.
- Ngalobo busuku uMariya wabeletha indodana yakhe yokuqala.
- Wamsonga ngezindwangu futhi wamfaka emkhombeni.
- Ngokujabula okukhulu, uMariya noJosefa babuka ingane yabo, iNdodana kaNkulunkulu noMsindisi womhlaba.

Ingabe sisho ukuthini lesifundo kithina namhlanje na?

- INkosi uJesu yazalwa emhlabeni futhi iyiNdodana kaNkulunkulu.
- Ngokuzalwa kukaJesu, uNkulunkulu ukhombisa uthando lwaKhe kithina.
- UNkulunkulu wagcwalisa isithembiso saKhe soMhlengi futhi wathumela iNdodana yaKhe ukuzosisindisa.

Ukuzalwa kukaJesu kwaletsa injabulo enkulu emhlabeni, ngoba kuYe uMsindisi wethu wazalwa. Ngosuku lukaKhisimusi, khumbula ukuthi uJesu uyisipho esihle kunazo zonke esake sazithola. Yena uyisipho sikaNkulunkulu sothando kithi.



Eminye imibuzo esingayibuza:

1. Ingabe kungani uMariya noJosefa kwadingeka baye edolobheni lakubo na?
Impendulo: Bekufanele bahambe bayozibhalisela ukubalwa kwabantu
2. Ingabe lithini igama ledolobha lasekhaya labo na?
Impendulo: IBetlehema
3. Ingabe bekufanele basuke kuphi ukuya edolobheni lakubo na?
Impendulo: ENazaretha
4. Ingabe emva kokuzalwa komntwana uJesu, yini uMariya ayenza ngoMntwana na?
Impendulo: Wayisonga ingane ngezindwangu wayilalisa emkhombeni

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes